



BASES REGULADORAS DA CONVOCATORIA PÚBLICA DE SUBVENCIONS DESTINADAS A ENTIDADES E CLUBS DEPORTIVAS DE ÁMBITO MUNICIPAL DE CEDEIRA PARA O ANO 2025

Primeira. Obxecto. O obxecto desta convocatoria é a promoción e impulso de actividades deportivas coa finalidade de fomentar un uso activo e creativo do ocio.

As presentes bases terán como finalidade apoiar e mellorar a práctica deportiva dos clubs e entidades deportivas, subvencionando os programas de actividades deportivas a desenvolver e os investimentos realizados, referidos a proxectos de iniciación deportiva, fomento da práctica e competición deportiva; podendo consistir en programas, eventos ou competicións deportivas concretas ou na actividade ordinaria anual do club ou entidade deportiva solicitante.

O Concello poderá excluír da concesión calquera actividade que considere que non serve ás finalidades sinaladas, así como as que promovan, faciliten ou permitan a discriminación de calquera tipo (étnica, social, sexual, ideolóxica, lingüística, etc.) ou sexan incompatibles cos valores de igualdade, libre desenvolvemento da personalidade, laicidade e protección ao medio ambiente.

Segunda. Conceptos subvencionables.

1. Considéranse gastos subvencionables, en caso de solicitar a subvención para a **realización de actividades**, os seguintes:
 - a. Compra de material non inventariable ou funxible cun importe unitario inferior a 100,00 € (balóns, redes, camisetas, etc.). Para que sexan subvencionables a vestimenta da práctica deportiva deberá levar impreso os logos do concello e do Xeoparque.
 - b. Gastos de desprazamentos, aluguer de medios de transporte, aloxamento e manutención (hoteis, albergues, etc.) necesarios para a participación en encontros e competicións deportivas. Deberase acreditar suficientemente a relación co evento deportivo na correspondente memoria xustificativa.
 - c. Gastos de aluguer de instalacións deportivas.
 - d. Gastos federativos, mutuas, arbitaxes das competicións, etc. Os gastos derivados da participación habitual en competicións oficiais federadas (arbitaxes, taxas federativas, etc.) que non foran aboados polos deportistas.
 - e. Nóminas do persoal técnico e seguridade social, cos requisitos legais.
 - f. Gastos do mantemento do club. Os gastos de mantemento e funcionamento da entidade solicitante (telefonía, luz, auga, material de oficina funxible, administración, seguros e outros directamente relacionados coa actividade do club).
 - g. Carteis, impresos, pancartas, publicidade de medios de comunicación para a divulgación das actividades e actos da entidade.
 - h. Seguros para a práctica e organización deportiva: Responsabilidade civil, accidente deportivo, asistencia sanitarias federativas.



2. Considéranse gastos subvencionables os seguintes, no caso de solicitar a subvención para a **realización de investimentos**:
 - a. Compra de material inventariable relacionado directamente coa actividade deportiva cun importe unitario ou superior a 100 euros.
3. En ningún caso serán subvencionables:
 - a. Intereses debedores de contas bancarias.
 - a) Sancións administrativas e penais, así como intereses e recargas que se poidan derivar das mesmas-
 - b) Gastos de procedementos xudiciais.
 - c) Gastos de derivados de celebracións gastronómicas particulares das entidades ou clubs deportivos (xantares, comidas, ceas, pinchos, etcétera).
 - d) Gastos pola adquisición de bebidas alcohólicas de calquera tipo, así como tabaco ou outros produtos considerados lesivos para a saúde.
 - e) Gastos que contraveñan o disposto no artigo 68 do RD 887/2006 e no artigo 29.7-d da Lei xeral de subvencións.

Non se terá en conta, na súa totalidade, a factura ou xustificante de gasto que conteña algún destes conceptos.

Tampouco serán subvencionables aqueles programas nos que se inclúa algunha das seguintes accións:

- a) Actividades que promovan ou xustifiquen calquera forma de discriminación por razón de raza, sexo, relixión, ou calquera outra que atente contra os dereitos fundamentais da persoa.
- b) Aquelas que fomenten ou poidan incitar, directa ou indirectamente, ao uso de drogas, alcol ou tabaco, ou que realicen apoloxía do consumo das mesmas.

Terceira. Requisitos das persoas beneficiarias. Poderán solicitar esta subvención todos os clubs e asociacións deportivas de Cedeira, con personalidade xurídica propia, sen ánimo de lucro, que desenvolvan programas e actividades vinculadas á área deportiva que reúnan, no momento de presentar a solicitude de subvención, os **seguintes requisitos**:

- a) Estar inscrito/a no Rexistro Municipal de Asociacións, coa documentación actualizada ou tersolicitada a actualización.
- b) Estar inscritos/as en Rexistro de Entidades deportivas da Comunidade Galega, coa documentación actualizada ou ter solicitada a actualización.
- c) Será indispensable para optar á subvención ter xustificada a concedida, no seu caso, o ano anterior.
- d) Estar en posesión dun seguro de responsabilidade civil que cubra os danos derivados da actividade do club fronte a terceiros.
- e) Acharse ao corrente no cumprimento das obrigacións tributarias ou fronte á Seguridade Social impostas polas disposicións vixentes, na forma que se determine



reglamentariamente.

- f) Non ser sancionado/a mediante resolución firme coa perda da posibilidade de obter subvencións segundo esta lei ou a Lei Xeral Tributaria.
- g) Non estar incurso en ningunha das circunstancias a que se refiren os artigos 13.2 da Lei 38/2003, de 17 de novembro xeral de subvencións e 10.2 da Lei 9/2007, de 13 de xuño, de subvencións de Galicia.

Cuarta. Obrigacións das persoas beneficiarias. Son obrigacións das persoas beneficiarias as que se sinalan na Lei 38/2003, de 17 de novembro, así como:

- a) Someterse ás actuacións de comprobación da veracidade da documentación presentada, para todos os efectos, así como ás inspeccións e controis que se estimen necesarias para verificara correcta aplicación da subvención concedida, achegando toda a información que lle sexa requirida no exercicio das devanditas actuacións.
- b) Xustificar a subvención concedida, presentando na sede electrónica os documentos que se establecen nas bases.
- c) En toda a publicidade relativa ao obxecto da subvención deberá figurar que dita actividade ou investimento está subvencionado polo Concello de Cedeira ou cando menos o logotipo do Concello, así como o logotipo do Xeoparque de Cabo Ortegal e UNESCO.
- d) Comunicar ao Concello de Cedeira a obtención doutras subvencións, axudas, ingresos ou recursos que financien a súa actividade, concedidas con posterioridade á data de presentación da solicitude inicial conforme á base Quinta.
- e) Facilitar toda a información que lle sexa requirida pola Intervención Xeral da Comunidade de Galicia, Tribunal de Contas e o Consello de Contas no exercicio das súas funcións de fiscalización e control do destino das subvencións.
- f) Compromiso de colaborar coa Concellería de Servizos Sociais para que ningún menor en risco de exclusión social quede fóra dos clubs ou entidades deportivas por razóns económicas.

Quinta. Solicitudes. O prazo de presentación de solicitudes será de **15 días hábiles a contar dende o día seguinte da publicación do extracto da convocatoria no Boletín Oficial da Provincia**, unha vez publicada a convocatoria na Base de Datos Nacional de Subvencións.

As instancias presentaranse na sede electrónica do Concello de Cedeira (<https://sede.cedeira.gal>), de acordo co establecido nos artigos 14 e 16 da Lei 39/2015, do 1 de outubro, do procedemento administrativo común das administracións públicas e formalizaranse mediante unha solicitude xeral acompañada da seguinte documentación:

1. Declaración responsable e solicitude de subvención (Modelo Anexo A) debidamente asinada.
2. Declaración responsable relativa aos criterios de concesión expostos na base 6ª (Anexo B) debidamente asinada.
3. No seu caso, presentación de carteis, circulares aos socios, panfletos, folletos, capturas de



páxinas web, etc., referidos ás actividades declaradas no Anexo D que acrediten a utilización da lingua galega.

4. No seu caso, presentación do contrato de aluguer do local da asociación.
5. Proxecto do programa ou actividade que se vai realizar (Anexo D) e/ou proxecto dos investimentos que se van a realizar (Anexo C) debidamente asinados.
6. Fotocopia do DNI/ NIE da persoa solicitante.
7. Fotocopia do CIF da entidade ou asociación.
8. Certificado da composición da xunta directiva.
9. Copia da póliza de responsabilidade civil en vigor acompañada do recibo de pago do ano en curso.
10. Documentos xustificativos da titulación dos/as técnicos/as deportivos/as.
11. Certificado bancario do número de conta onde desexan que se lles ingrese o importe da subvención.

Cando a solicitude non reúna os requisitos establecidos ou non incorpore a documentación esixida, requirirase á entidade interesada mediante calquera medio acreditativo de que se realizou o requirimento para que, nun prazo de 10 días hábiles, emende a falta ou acompañe os documentos preceptivos, con indicación de que, se así non o fixese, terase por desistida da súa petición, procedéndose en consecuencia ao seu arquivo sen máis trámite.

Sexta. Criterios de concesión. O procedemento asignado para a concesión das distintas solicitudes será en réxime de concorrencia competitiva, baixo os principios de publicidade, obxectividade, transparencia e igualdade.

A contía da subvención concederase segundo os puntos que obtivesen en aplicación dos criterios seguintes:

1.- Deporte base. Enténdese por deporte base ou escolas deportivas, toda actividade destinada a fomentar o coñecemento do deporte dunha especialidade dada, desde as categorías inferiores ata xuvenís (inclusive).

Acreditación: Declaración xurada (Anexo B) asinada **dixitalmente** pola Presidencia ou Secretaría da entidade solicitante, na que se poña de manifesto a existencia de deportistas nados/as nos anos que se indican.

Puntuación: A puntuación máxima por este criterio será de 30 puntos.

DEPORTE BASE	PUNTOS
Deportistas nados/as entre 2006 e 2008	5
Deportistas nados/as entre 2009 e 2013	10
Deportistas nados/as entre 2014 e 2021	15

2.- Fomento da participación feminina no deporte. Valórase a participación feminina nas distintas modalidades deportivas, computando o número de mulleres federadas sobre o total de deportistas



federados/as da entidade solicitante e a realización durante o ano 2024 de actividades de promoción da igualdade (charlas, festivais, eventos, formacións, etcétera,)

Acreditación: Para acreditar a porcentaxe de mulleres federadas na entidade: Anexo D e declaración xurada (Anexo B) asinada **dixitalmente** pola Presidencia ou Secretaría da entidade solicitante e para as medidas de promoción da igualdade:

Puntuación: A puntuación máxima para este criterio será de 45 puntos.

PORCENTAXE DE MULLERES	PUNTOS
Entre o 5,01% e o 10,00%	5
Entre o 10,01% e o 20,00%	10
Entre o 20,01% e o 30,00%	15
Entre o 30,01% e o 40,00%	20
Entre o 40,01% e o 50,00%	25
Máis do 50,00%	30

Por cada actividade realizada, 5 puntos, ata un máximo de 15

3.- Número de deportistas federados/as que compoñen o club ou entidade deportiva. Valórase o número de deportistas federados/as que conforman o club na data de presentación da solicitude da subvención.

Acreditación: Declaración xurada (Anexo B) asinada dixitalmente pola Presidencia ou Secretaría da entidade solicitante.

Puntuación: A puntuación máxima por este criterio será de 30 puntos

Nº DE DEPORTISTAS FEDERADOS	PUNTOS
De 10 a 20	5
De 21 a 30	10
De 31 a 40	15
De 41 a 50	20
De 51 a 60	25
Máis de 60	30

4.- Antigüidade do club (segundo a data de constitución do club ou asociación)

Acreditación: Mediante a presentación do CIF, onde se recolle a data de constitución.

Puntuación: A puntuación máxima por este criterio será de 30 puntos.

ANTIGÜIDADE	PUNTOS
Ata 2 anos	5
Entre 3 e 5 anos	10
Entre 6 e 15 anos	15
Entre 16 e 25 anos	20
Máis de 25 anos	25



5.-Instalacións de uso ou práctica da asociación ou club deportivo. A determinación da puntuación farase atendendo a titularidade e propiedade das instalacións onde se fai a práctica deportiva da asociación, ou se son de titularidade municipal e están a disposición do Club ou entidade deportiva para o seu uso e desfrute de forma exclusiva ou non, se son de propiedade da entidade ou en aluguer.

Acreditación: Declaración xurada (Anexo B) asinada dixitalmente pola Presidencia ou Secretaría da entidade solicitante. Se hai propiedade coa escritura ou documentación acreditativa. No caso de aluguer con contrato de aluguer e xustificante de pago actual.

Puntuación: A puntuación máxima por este criterio é de 15 puntos.

	PUNTOS
De titularidade municipal de uso exclusivo	0
De titularidade municipal de uso compartido	5
De propiedade da entidade	10
En aluguer	15

6.- Número de técnicos deportivos titulados e acreditados. Enténdese por adestradora a aquela persoa que teña o club ou entidade deportiva solicitante para preparar ao equipo na práctica da actividade deportiva correspondente. Esta persoa deberá dispor do título en vigor que lle faculte para iso.

Acreditación: Copia dos títulos das persoas que desempeñen as actividades de adestradoras (a cada adestrador, no caso de ter varias titulacións, soamente se lle terá en conta a de máis alto nivel).

Puntuación: A puntuación será en función do territorio que habilite para o desempeño da función de adestrar, a puntuación máxima 20 puntos.

Habilitación dos títulos	PUNTOS
Nacional	5
Autonómico ou Rexional	3
Provincial	2

7. Presenza e participación de profesionais externos. Enténdese por profesional externo aquela persoa que non forme parte directa do club pero que participe na formación dos diversos membros a través de charlas, cursos... Nesta categoría terase en conta profesionais de ámbito social, educativo e sanitario como poden ser psicólogos/as, educadores/as, fisioterapeutas... Esta persoa deberá dispor do título en vigor que lle faculte para iso.

Acreditación: Copia dos títulos das persoas que participen no club e cartel acreditativo da actividade a realizar.

Puntuación: A puntuación será de 5 puntos por actividade desempeñada por estes profesionais cunha puntuación máxima 20 puntos

8.- Menor importe da cota mensual. A determinación da puntuación farase atendendo ao importe anual de ingresos polas cotas emitidas entre o número de deportistas dividido entre 12 mensualidades.

Acreditación: Declaración xurada (Anexo B) asinada dixitalmente pola Presidencia ou Secretaría da entidade solicitante.

Puntuación: A puntuación máxima 25 puntos.



	PUNTOS
Mínimo de 10,00 euros	25
Entre 10,01 e 20,00 euros	20
Entre 20,01 e 35,00 euros	15
Entre 35,01 e 50,00 euros	10
Mais de 50,00 euros	0

9.- Organización de actividades, torneos, eventos, etc. Puntuarán neste apartado os eventos deportivos en xeral que se realicen no termo municipal durante o 2024, sendo indiferente que sexan eventos deportivos federados/as ou non e con independencia das categorías participantes (benxamín, cadetes, etc.), tanto feminina como masculina e da súa duración nun ou varios días.

Acreditación: Anexo D e Declaración xurada (Anexo B) asinada dixitalmente pola Presidencia ou Secretaría da entidade solicitante. Será necesario a presentación de carteis, anuncios, folletos, panfletos, publicidade nas páxinas web no período de xustificación e de non ser así poderá verse minorado o importe concedido.

Puntuación: 1 punto por actividade realizada, cunha puntuación máxima 10 puntos.

10.- Organización de actividades, torneos, eventos, etc. EN COLABORACIÓN con outras entidades (outros clubs, asociacións socioculturais, ...) e/ou có Concello de Cedeira. Puntuarán neste apartado os eventos deportivos en xeral que se realicen no termo municipal durante o 2024, sendo indiferente que sexan eventos deportivos federados ou non e con independencia das categorías participantes (benxamín, cadetes, etc.), tanto feminina como masculina e da súa duración nun ou varios días (exemplos: actividades durante as festas patronais, semana deportiva, etc.) que se realicen en colaboración con outras entidades ou clubs.

Acreditación: Anexo D e Declaración xurada (Anexo B) asinada dixitalmente pola Presidencia ou Secretaría da entidade solicitante. Será necesario a presentación de carteis, anuncios, folletos, panfletos, publicidade nas páxinas web no período de xustificación e de non ser así poderá verse minorado o importe concedido.

Puntuación: 5 puntos por actividade realizada, cunha puntuación máxima 20 puntos.

11.- Impresión do logotipo do Concello de Cedeira e do logotipo do Xeoparque de Cabo Ortegal e UNESCO na vestimenta deportiva:

Acreditación: Fotografías da vestimenta (de nova adquisición) serigrafiada con logos do Concello, do Xeoparque de Cabo Ortegal e UNESCO

OBRIGATORIA PARA ACCEDER Á SUBVENCIÓN

12.- Emprego da lingua galega: na difusión e propaganda de todas as actividades obxecto da subvención: eventos deportivos en xeral que se realicen no termo municipal durante o 2024 comprendidos no anexo D acompañada da presentación de carteis, anuncios, folletos, panfletos, publicidade nas páxinas web.

Acreditación: Mediante a presentación de carteis, anuncios, folletos, panfletos, capturas páxinas web, circulares cos socios relativos as actividades realizadas polo club.

OBRIGATORIA PARA ACCEDER Á SUBVENCIÓN



Sexta. Comisión Avaliadora, Concesión e Seguimento das Subvencións. Nomearase unha Comisión de Valoración que impulsará de oficio a realización de cantas actuacións sexan necesarias para a determinación, coñecemento e comprobación dos datos en virtude das que se formulará a proposta de resolución.

A Comisión de valoración estará composta por:

- Presidencia: a persoal titular da Concellería de Deportes ou persoa en quen delegue.
- Secretaría: unha administrativa dos Servizos económicos do Concello, en primeiro lugar, a de maior antigüidade, e en caso de imposibilidade ou incompatibilidade, a seguinte pola mesma orde.
- Vogais:
 - a persoa titular da Concellería de Facenda ou persoa en quen delegue
 - a persoa titular da Intervención Municipal participará na Comisión de valoración con voz pero sen voto.

Á vista da documentación que consta no expediente, e logo da valoración das solicitudes de conformidade cos criterios establecidos, a Comisión de valoración formulará un informe proposta de resolución de concesión provisional, debidamente motivado, que deberá expresar o/a solicitante ou a relación de solicitantes que cumpran os requisitos da convocatoria para os/as que propón a concesión da subvención e a súa contía, así como as solicitudes desestimadas, as desistidas e as non admitidas a trámite.

A Xunta de Goberno Local acordará a concesión ou denegación das subvencións, a proposta da Comisión de Valoración e previo informe de fiscalización pola Intervención municipal. A concesión deberá ser notificada ás persoas beneficiarias.

Se se renunciase á subvención por algunha das entidades beneficiarias ou quedase crédito sobrance como consecuencia da xustificación insuficiente presentada por algunha entidade, o órgano concedente acordará, sen necesidade dunha nova convocatoria, a concesión do importe sobrance da subvención ao resto de entidades beneficiarias.

Para estes efectos, poderán realizarse sucesivas propostas de resolución conforme o sinalado neste artigo.

O órgano que concede a subvención comunicará esta opción ás entidades interesadas a fin de que accedan á proposta de subvención no prazo improrrogable de dez días. Unha vez aceptada a proposta por parte da entidade solicitante, o órgano administrativo ditará o acto de concesión e procederá a súa notificación nos termos establecidos na lei.

Contra o acordo que se adopte cabe interpoñer recurso de reposición no prazo dun mes ante a Xunta de Goberno Local, ou ser impugnado directamente ante a Orde Xurisdiccional Contencioso-administrativa no prazo de dous meses a contar dende o día seguinte a recepción da notificación da resolución.

Sétima. Crédito Orzamentario e importe das bolsas. As subvencións faranse efectivas con cargo as seguintes aplicacións do orzamento municipal do Concello de Cedeira para o exercicio 2025:

- 341.489.00 por importe de 45.000,00 euros para actividades deportivas.



- 341.789.00 por importe de 15.000,00 euros para investimentos que realicen as entidades.

A subvención será outorgada a todas as entidades beneficiarias, que reúnan os requisitos, rateándose a contía total máxima fixada na convocatoria dentro do crédito dispoñible, por orde de puntuación.

En caso de que o importe asignado a algunha das asociacións, segundo os criterios de valoración, supere o total solicitado pola mesma, adxudicarase o importe solicitado, e o exceso, volverase a repartir entre as demais asociacións concorrentes tendo en conta as puntuacións obtidas.

Para obter a subvención deberá acadarse un mínimo de 60 puntos (25% da totalidades dos puntos totais) entre os criterios de avaliación da base sexta.

Oitava. Abono da subvención. O abono da subvención farase do seguinte xeito:

En aplicación do artigo 34.3 da Lei 38/2003, de 17 de novembro, xeral de subvencións que establece a posibilidade de que se realicen pagos anticipados como financiación necesaria para poder levar a cabo as actuacións inherentes á subvención, o Concello aboará, unha vez aprobada en Xunta de Goberno Local a concesión das subvencións, o 100% do importe subvencionado, previa acreditación da situación de cumprimento coas obrigas tributarias e coa seguridade social, reténdose o 30% en concepto de garantía.

O importe restante aboarase unha vez xustificado o obxecto do convenio, mediante a presentación dos documentos de gasto e pago xustificadas e o resto da documentación sinalada na base décima.

O pagamento farase mediante transferencia ao número IBAN achegado, unha vez presentada e comprobada a documentación sinalada.

Novena. Réxime de compatibilidade. As subvencións concedidas serán compatibles con outras subvencións, axudas ou ingresos procedentes de calquera outra administración e que teñan a mesma finalidade, sempre que a totalidade das axudas non supere o custo das actividades.

As entidades ou asociacións que reciban subvención están obrigadas a facilitar os datos que lles sexan solicitados polo Concello.

As entidades ou asociacións que teñan un convenio co Concello ou unha subvención nominativa do mesmo, así como as comisións de festas e as entidades ou asociacións socioculturais, non poderán participar nesta convocatoria.

Décima. Prazo e forma de xustificación. O orzamento a xustificar será o importe total da subvención concedida. A data límite para executar a subvención outorgada será o 15 de novembro de 2023. O lapso temporal ao que deben referirse os gastos xustificadas, incluíndo o pagamento, é o comprendido entre o 1 de xaneiro e o 15 de novembro de 2023.

O prazo de xustificación remata o 30 de novembro de 2023 e dita xustificación realizarase mediante a presentación na sede electrónica (<https://sede.cedeira.gal>) mediante unha solicitude xeral acompañada da seguinte documentación:

- Memoria da realización do programa ou actividade (Anexo D) e/ou memoria da realización dos investimentos (Anexo C).



- Relación dos gastos subvencionados e os ingresos obtidos para financiarlos (Anexo E).
- Facturas orixinais ou copias compulsadas, que deberán cumprir os seguintes requisitos:
 - o Os conceptos expresados nos xustificantes de gasto deberán ser obrigatoriamente osque foron motivo de subvención.
 - o A forma e o contido deberán respectar a normativa vixente.
 - o A entidade beneficiaria deberá figurar como destinataria da factura.
- Xustificantes bancarios do pagamento das facturas. Só se admitirán pagamentos en efectivo cando o importe da factura sexa inferior a 100,00 euros e sen que poida ser obxecto de fraccionamento.
- No caso de gastos de persoal, nóminas, xustificantes da cotización á Seguridade Social e xustificantes bancarios do seu pagamento.
- Declaración doutras axudas ou subvencións públicas para financiar as mesmas actividades con indicación de importe (Anexo E).
- Declaración asinada polo responsable da entidade beneficiaria de que a subvención se destinou ós mesmos fins para os que foi solicitada e concedida (Anexo E).
- Declaración responsable de estar ao corrente no cumprimento das obrigas tributarias e coa seguridade social, autorizando a comprobación polo Concello da circunstancia de atoparse ao corrente das obrigas tributarias e coa Seguridade Social (Anexo E). No caso de non autorizar a comprobación polo Concello, deberá achegar os certificados acreditativos de tal circunstancia.
- Documentación gráfica da actividade onde conste a colaboración do Concello de Cedeira. No caso de que os eventos subvencionados fosen executados con anterioridade á publicación destas bases, o cumprimento da obriga de difusión pública considerase cumprida mediante anuncio nun diario ou periódico no que se informe publicamente da subvención do concello e das actividades subvencionadas.
- Carteis, anuncios, folletos, panfletos, publicidade nas páxinas web das actividades realizadas en 2023 obxecto da subvención.

Undécima. Fiscalización. O Concello de Cedeira resérvase o dereito de realizar un seguimento das actividades subvencionadas con estas axudas, podendo esixir á entidade deportiva unha explicación detallada e documental dos gastos presentados. Tamén poderá anular calquera subvención concedida cando ao seu xuízo, exista incumprimento dos requisitos necesarios para obtención da subvención.

Duodécima. Infraccións, sancións e reintegro. O incumprimento dalgunha das bases previstas poderá implicar a obriga do reintegro parcial ou total dos fondos percibidos, así como o pagamento dos xuros de mora que se perciban dende o día no que se realizou o pagamento ata o momento no que se acorde a procedencia de reintegro. O procedemento de reintegro realizarase de oficio e na súa tramitación seguirase o disposto nos artigos 41 e seguintes da Lei 38/2003 de 17 de novembro, Xeral de subvencións e nos artigos 91 e seguintes do seu Regulamento (Real Decreto 887/2006, do 21 de xullo), para o que se lle dará en todo caso audiencia ao interesado.

En todo caso o incumprimento das obrigas de colaboración coa Concellería de Servizos Sociais considerase infracción grave, segundo o disposto no artigo 57 da Lei Xeral de Subvencións.

O procedemento de reintegro axustarase ao establecido nos artigos 41 e seguintes de Lei 38/2003 Xeral de Subvencións.

Disposición final. No que non ven previsto na presente Convocatoria será de aplicación o disposto na



Lei 38/2003, de 17 de novembro, Xeral de Subvencións, Lei 9/2007, de 13 de xuño, de subvencións de Galicia, R.D. 887/2006 de 21 de xullo polo que se aproba o Regulamento da Lei 38/2003, de 17 de novembro, Xeral de Subvencións, a Lei 39/2015 do 1 de outubro, do procedemento administrativo común das Administracións Públicas, así como a lei 19/2003 de 9 decembro, de Transparencia , acceso a información pública e bo goberno.

**ANEXO A - SOLICITUDE PARA PARTICIPAR NA SUBVENCION PARA CLUBS E ENTIDADES DEPORTIVAS DE CEDEIRA.****ANO 2025.**

DATOS DA ENTIDADE/CLUB SOLICITANTE			
Nome ou razón Social			
CIF		Correo electrónico	
Dirección a efectos de notificación			
Código postal		Localidade	

DATOS DA PERSOA REPRESENTANTE DA ENTIDADE/CLUB SOLICITANTE			
Nome e apelidos			
DNI		Correo electrónico	
Dirección a efectos de notificación			
Código postal		Localidade	
Cargo que representa na entidade			

**DOCUMENTACION
ACHEGADA**

☒ Fotocopia do CIF da entidade
☒ Certificado da composición actual da xunta directiva con indicación de datos e cargo que ocupan
☒ Fotocopia do DNI do asinante das declaracións (Presidente/a ou Secretario/a)
☒ Memoria descritiva (Modelo Anexo C e/ou D)
☒ Copia da póliza de Responsabilidade Civil en vigor, e xustificante de pago exercicio actual
Certificados acreditativos de estar ao corrente nas obrigas tributarias e coa Seguridades Social (no caso de non autorizar a comprobación por parte do Concello)
☒ Certificado bancario do número de conta onde desexan que se lles ingrese o importe da subvención

DECLARACIÓN RESPONSABLE

En relación coas bases reguladoras das subvención para actividades destinadas a clubs e entidades deportivas inscritas no rexistro municipal de asociacións do Concello de Cedeira, ano 2025, declaro responsablemente que a entidade que represento cumpre cos requisitos establecidos nas bases reguladoras da presente convocatoria de subvencións, e en particular:

- ☒Que non está sancionado mediante resolución firme coa perda da posibilidade de obter subvencións segundo a Lei de Subvención ou a Lei Xeral Tributaria.
- ☒Que non está incurso en ningunha das circunstancias a que se refiren os artigos 13.2 da Lei 38/2003, de 17 de novembro, xeral de subvencións e 10.2 da Lei 9/2007, de 13 de xuño, de subvencións de Galicia.
- ☒Que está en posesión de un seguro de responsabilidade civil que cubra os danos derivados da actividade da asociación fronte a terceiros.
- ☒Que se atopa inscrita no Rexistro de Asociacións da CCAA de Galicia. O número de rexistro é: _____
- ☒Que acepto as actuacións de comprobación e seguimento que poida levar a cabo o concello.
- ☒Autorizo para os efectos da Lei orgánica 15/1999, de protección de datos de carácter persoal, ao Concello de Cedeira a incorporar estes datos, ou aqueles outros dos que tiver coñecemento como consecuencia da relación iniciada, a un ficheiro automatizado que ten por finalidade dar



cumprimento ás funcións que debe realizar dentro do proceso de trámite, xestión, concesión e pagamento encomendadas pola Lei 38/2003, xeral de subvención, así como para a xestión doutros servizos ou programas de iniciativa municipal do seu posible interese

✓ Manifesto o meu coñecemento de que os datos proporcionados poden resultar obrigatorios para a xestión do expediente e que a unidade tramitadora, en tanto non comunique o contrario, entenderá que son exactos e actuais.

✓ Comprométome a comunicar ao Concello de Cedeira, no menor prazo de tempo posible, calquera variación dos datos proporcionados co fin de proceder á súa actualización

✓ Coñezo as responsabilidades legais que poden derivarse de incorrer en falsidade en documentos administrativos e, en particular, a esixencia do reintegro da subvención, mais os intereses de demora correspondentes, sen prexuízo da tramitación do correspondente expediente.

Ten solicitada/concedida **outra subvención** para a mesma finalidade (☐ SI/ ☐ NON) . Por un importe de _____€ á entidade _____o importe da subvención recibida polo Concello, xunto con outras percibidas non superará o importe total de gastos.

✓ **AUTORIZO** a comprobación polo Concello da circunstancia de atoparse ao corrente das súas obrigas tributarias (Facenda pública e Atriga) e coa Seguridade Social. (De non autorizar ao Concello téñense que presentar certificados de estar ó corrente con ditas Administracións).

ASINADO DIXITALMENTE

ANEXO B-

IMPORTE SOLICITADO PARA ACTIVIDADES	
IMPORTE SOLICITADO PARA INVESTIMENTOS	
TOTAL IMPORTE SOLICITADO PARA SUBVENCIONS	

D./D^a _____ en calidade de _____ da asociación/entidade _____ avaliación expostos na base cuarta (só riscar en caso afirmativo):
declaro responsablemente, en relación aos criterios c

✓ Que me comprometo a colaborar coas actividades e eventos que desenvolva o Concello

✓ Que emprega o uso da lingua galega no desenvolvemento das actividades para as que vai a servir a subvención solicitada e aos efectos acompañ documentación xustificativa consistente en:

✓ Declaro responsablemente a veracidade dos seguintes datos:

DEPORTE BASE	SI/NON
Deportistas nados/as entre 2006 e 2008	
Deportistas nados/as entre 2009 e 2013	
Deportistas nados/as entre 2014 e 2021	

Nº Deportistas federados/as	
Nº mulleres federadas	
Nº homes federados	

Año de constitución da entidade	
---------------------------------	--



Importe Anual de Ingresos por CUOTAS	
Número de deportistas	

IMPRESION LOGOTIPO XEOPARQUE	SI/NON

INSTALACIONES DE USO OU PRACTICA DEPORTIVA	
Municipal uso exclusivo	
Municipal de uso compartido	
Propiedade da entidade	
En aluguer	

Medidas activas de promoción da igualdade

Actividade, charla, campaña ou evento de sensibilización	Data de celebración	Lugar

Nº de Técnicos deportivos titulados/as e acreditados:

Nome do Técnico/a deportivo/a	Título acreditado

Organización de actividades, torneos, eventos, etc. no termo municipal:

Actividade, Torneo, evento, etc.	Data celebración	Lugar

Organización de actividades, torneos, eventos, etc. en COLABORACIÓN con outras entidades:

Actividade, Torneo, evento, etc.	Entidade Colaboradora	Data celebración

ASINADO DIXITALMENTE

Nome da asociación	
CIF	



ANEXO C- (PARA INVESTIMENTOS)

Denominación do proxecto	
--------------------------	--

DESCRICION DO INVESTIMENTO (*sen prexuízo de que para a xustificación poidan engadirse outros a maiores que cumpran cos requisitos sinalados nas presentes bases)

Finalidade que atende/ utilidade do investimento/ rendemento que se pretende obter co investimento
Beneficiarios/as do investimento
Desenvolvemento de programas e actividades encamiñadas á inclusión social
Outros detalles necesarios para coñecer o alcance do investimento e a xustificación da súa utilidade pública e da relación coa actividade da asociación ou entidade.

Orzamento dos investimentos

Denominación	Custo previsto	Ingreso previsto	Procedencia do ingreso


ANEXO D- (PARA ACTIVIDADES)

Denominación do proxecto	PRACTICA E ENSINANZA DEPORTIVA DE
Obxectivo da actividade	
Número posible de persoas beneficiarias	

Orzamento das actividades

Denominación	Custo previsto	Ingreso previsto	Procedencia do ingreso

Actividades de inclusión social:
Actividades de promoción da igualdade:





--	--	--

DOCUMENTACIÓN APORTADA:

- ✓ Memoria da realización do programa ou actividade ou do investimento realizado.
- ✓ Facturas orixinais ou copias compulsadas.
- ✓ Xustificantes bancarios do pagamento das facturas. Só se admitirán pagamentos en efectivo cando o importe da factura sexa inferior a 100,00€ e sen que poida ser obxecto de fraccionamento.
- ✓ Documentación gráfica da actividade onde conste a colaboración do Concello de Cedeira.

DECLARO RESPONSABLEMENTE:

- ✓ Que a subvención se destinou ós mesmos fines para os que foi solicitada e concedida.

✓ **AUTORIZO** a comprobación polo Concello da circunstancia de atoparse ao corrente das súas obrigas tributarias (Facenda pública e Atriga) e coa Seguridade Social. (De non autorizar ao Concello téñense que presentar certificados de estar ó corrente con ditas Administracións).

ASINADO DIXITALMENTE

Cedeira, 29 de xullo de 2025

O alcalde,

Pablo Diego Moreda Gil